

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1575/21  
Sarajevo, 9.9.2021. godine

**Z A P I S N I K**  
**12. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 29.7. i 9.9.2021. godine**

Sjednica je počela sa radom u 12:28 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate.

Izostanak sa sjednice su opravdali: Nikica Bosnić, Dragana Damjanović, Senad Ahmetović, Segmedina Srna-Bajramović i Dževad Hadžić.

Prema evidenciji Stručne službe sjednici prisustvuje 41 delegat, što čini većinu, pa Dom naroda može raditi i punovažno odlučivati.

Prije utvrđivanja dnevnog reda, na osnovu člana 104. Poslovnika o radu Doma naroda Parlamenta Federacije BiH, delegati, ukoliko žele, mogu postavljati delegatska pitanja i podnositi inicijative.

**Senad Čeljo** uputio je pitanje Vladi Federacije, resornim ministarstvima za promet i komunikacije, Ministarstvu transporta, Ministarstvu finansija i JP Autoceste Federacije BiH, vezano za fazu realizacije projekta cestovnog povezivanja Sarajeva sa Goraždem; planiranje sredstava i aktivnosti za nastavak realizacije projekta cestovnog povezivanja; za status Odluke (OFID) kreditnog odbora od 24.9.2018.godine o odobrenju dva kredita čija je namjena izgradnja brze ceste Hrenovica - Goražde, kao i u kojoj je fazi realizacija ugovora o izvođenju radova na probijanju tunela Hranjen na osnovu ugovora zaključenim sa preduzećem Euroasfalt i koliko je sredstava utrošeno do danas te koji je obim izvršenih radova i kada se planira pokretanje javne nabavke za LOT2.

**Damir Jurišić** je postavio pitanje Agenciji za bankarstvo Federacije BiH u vezi povećanja cijena usluga prema klijentima, uzevši u obzir da je od 1. jula na snazi Odluka Centralne banke BiH kojom su povećane naknade komercijalnim bankama za sredstva iznad obaveznih rezervi.

**Aner Žuljević** je uputio Inicijativu prema Kolegiju Doma naroda u institucionalnom smislu, te gospodinu Bakiru Izetbegoviću i gospodinu Draganu Čoviću vezano za

stanje političke anarhije i nezadovoljstvo građana Bosne i Hercegovine. Također je uputio Inicijativu Federalnom pravobranilaštvu da ponovo pokrene postupak protiv odgovornih ljudi u ministarstvu, vezano za dvije okolinske dozvole u vezi izgradnje mini hidroelektrana.

**Edim Fežić** je postavio tri pitanja.

Prvo pitanje tiče se potrošnje novčanih sredstva, planiranih za izgradnju tunela Hranjen.

Drugo pitanje je - Da li Vlada Federacije BiH preduzima mjere i radnje na obezbjeđenju novčanih sredstava za nastavak radova i završetak tunela Hranjen?

Treće pitanje da li će doći do obustave radova na ovom projektu.

**Marko Saraf** je uputio pitanje ministru unutrašnjih poslova FBiH gospodinu Aljoši Čampari, vezano za završetak konkursa za imenovanje direktora Federalne uprave policije.

**Tomislav Mandić** je postavio dva pitanja.

Oba su upućena direktoru JP Autoceste Federacije BiH, Elmedinu Voloderu i Upravi JP Autoceste FBiH.

Prvo pitanje tiče se, kako je rekao, odugovlačenja sa procedurom izbora izvođača radova na jugu Hercegovine, dok je drugo pitanje: Zašto se opstruira gradnja autoceste kroz Hercegovinu?

**Zvonko Marić** je postavio dva pitanja.

Prvo pitanje je koliko je vakcinisanih građana u Federaciji BiH otkako su nabavljene vakcine i, koliko vakcina je ostalo na stanju? Drugo pitanje je koje su mjere poduzete u vezi vakcinalne kampanje?

**Alisa Hajdarović** je postavila pitanje Vladi Federacije BiH vezano za odobrenje potpisivanja Ugovora saradnje Elektroprivrede HZHB sa RTV Herceg Bosne. Također, uputila je Inicijativu Vladi Federacije BiH da se hitno sačini Nacrt zakona o zaštiti žrtava torture.

**Stipan Šarac** je postavio pitanje Poreznoj upravi Federacije BiH - Zašto su u Hercegovačkom kantonu blokirani računi zdravstvenih ustanova, odnosno bolnica i domova zdravlja, da li je došlo do blokade računa bilo koje druge zdravstvene ustanove u Federaciji, i da li je to priprema Porezne uprave za četvrti talas koji se očekuje u jesen?

**Jasmin Duvnjak** je imao nekoliko pitanja.

Prvo pitanje je uputio predsjedniku Federacije BiH Marinku Čavari, a tiče se nepopunjavanja pozicija u Ustavnom sudu FBiH.

Drugo pitanje vezano je za fazu izrade novog zakona o turizmu u FBiH.

Treće pitanje je uputio ministrici Dujmović i premijeru Vlade Federacije BiH Fadilu Novaliću, a tiče se Zakona o reprezentativnom sportu i o strukovnim savezima i potrebi za finansijskom podrškom sportistima.

**Tomislav Martinović** zamolio je delegate da prilikom postavljanja pitanja i upućivanja inicijativa budu precizni i određeni.

**Damir Marjanović** je imao jednu inicijativu i dva pitanja.

Inicijativu je uputio Federalnom ministarstvu pravde da se u Krivični zakon Federacije BiH inkorporiraju oni dijelovi ili članovi koji se tiču kažnjavanja za govor mržnje.

Prvo pitanje uputio je premijeru Vlade Federacije BiH vezano za popunjavanje dva upražnjena mjesta u Vladi FBiH.

Drugo pitanje uputio je Stručnoj službi Doma naroda u vezi dobivanja preporuka Kriznog štaba da su ispunjeni epidemiološki uslovi da delegati mogu da sjede bez maski, s obzirom da u sali ima oko 30 delegata.

**Zdenka Džambas** je uputila molbu predsjedavajućem da na sjednici Kolegija bude razmotreno pitanje održavanja sjednica odbora dan prije sjednica Doma naroda.

**Daliborka Milović** je postavila dva pitanja.

Prvo pitanje je postavila Vladi Federacije BiH vezano za obavezu kantona da dostavljaju izvještaje o utrošku grant sredstava i svih ostalih sredstava primljenih iz budžeta Federacije BiH, te uputila molbu kantonima da dostave te izvještaje sa akcentom na Izvještaj Bosanskopodrinjskog kantona - Goražde.

Drugo pitanje uputila je Vladi Federacije BiH vezano za izgradnju i obustavu radova tunela Hranjen, odnosno, da li je prekid tih radova uslovljen sa izgradnjom hidrocentrale na rijeci Drini.

**Ilija Ilić** je imao dva pitanja.

Prvo pitanje uputio je Autocestama FBiH, vezano za otvaranje 11 kilometara izgrađenih na području Posavine, u opštini Odžak, na relaciji Donji Svilaj - Odžak.

Drugo pitanje uputio je Ministarstvu prometa, a tiče se kategorizacije graničnog prijelaza između Republike Hrvatske i BiH u Donjem Svilaju i upitao je kada će biti pušten u promet.

Predsjedavajući je nakon delegatskih pitanja i inicijativa predložio da se pređe na utvrđivanje dnevnog reda.

Predsjedavajući je obavijestio delegate da Kolegij Doma naroda predlaže da se u dnevni red uvrste dvije tačke koje su posljedica prethodnog zasjedanja Predstavničkog doma, Zakon o roditeljima njegovateljima u FBiH, i Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu, izmjene i dopune Finansijskog plana Federalnog fonda solidarnosti za 2021. godinu (ANEX I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu.

Predsjedavajući je istakao da je jako bitno napomenuti da, od strane Doma naroda Parlamenta Federacije BiH, posebno kada je u pitanju Zakon o roditeljima njegovateljima u FBiH, postoji neosporna volja da se ovo pitanje riješi, samo treba odlučiti kada će se o njemu raspravljati, rekao je.

**Ivo Tadić** je istakao da je Klub delegata iz reda hrvatskog naroda spreman podržati Zakon o roditeljima njegovateljima u Federaciji BiH kao i Odluku o davanju

saglasnosti na izmjene i dopune Finansijskog plana Zavoda zdravstvenog osiguranja i reosiguranja.

**Vibor Handžić** je podsjetio da je nekoliko puta u toku mandata podnosio inicijativu za izmjenu Poslovnika o radu Doma naroda Parlamenta Federacije BiH kako bi se delegatima iz reda ostalih omogućilo prisustvo Kolegiju Doma naroda.

Također je istakao da je prije nego što je predložen dnevni red za sjednicu, uputio urgenciju za uvrštavanje dva zakona, i to za uvrštavanje Zakona o dopunama Zakona o električnoj energiji i Nacrta zakona o novčanim podrškama poljoprivredi i ruralnom razvoju čiji je on ujedno i supredlagač sa Sanelom Klarić, a koji je usvojen 26.5.2021. godine na sjednici Predstavničkog doma Parlamenta Federacije BiH. Također ga zanima sudbina zakona koje je ranije predlagao.

**Tomislav Martinović** je odgovorio delegatu Handžiću da će se na prvom nastavku sjednice u mjesecu septembru naći neki od zakona koje su predložili delegati, da do sada to nije bila praksa već su se samo razmatrala ona pitanja koja su dolazila od strane ovlaštenih predlagača, odnosno Vlade FBiH, te da će se raspraviti i o statusu prijašnjih zakona koje je već predlagao.

**Iva Raguž** je istakla da nije spremna za današnju raspravu u vezi Zakona o roditeljima njegovateljima u FBiH, kao što nije i većina delegata, jer ovaj zakon nije bio planiran za današnju sjednicu, kao i da treba uzeti u obzir da je veliki broj udruženja izrazio nezadovoljstvo i da treba i s njima obaviti razgovor.

**Jasmin Duvnjak** je saopštio delegatima da Klub delegata bošnjačkog naroda u Domu naroda Parlamenta Federacije BiH traži da se Prijedlog zakona o roditeljima njegovateljima u FBiH uvrsti na sjednicu Doma naroda jer se radi o bitnom zakonu.

**Vesna Saradžić** je također predložila da se u dnevni red uvrsti Zaključak kojim Dom naroda Parlamenta FBiH zadužuje Vladu FBiH i resorna ministarstva da se aktivno uključe u zaštitu entiteta FBiH od posljedica izgradnje hidroelektrane Ulog entitet RS snage 35 MW i sedam manjih hidroelektrana koje čine hidro energetski sistem Gornja Neretva.

**Zdenka Džambas** je istakla da ovaj zakon itekako treba razmatrati ali, s obzirom da delegati nisu imali vremena da se pripreme za razmatranje tog zakona, smatra da se to pitanje što prije treba riješiti.

**Tomislav Martinović** je zamolio članove Kolegija i ministra Drljaču za kratku pauzu kako bi se obavile konsultacije za prethodno navedena pitanja.

Poslije pauze predsjedavajući je iznio prijedlog Kolegija da se Prijedlog zakona o roditeljima njegovateljima u Federaciji BiH uvrsti u dnevni red ali da se rasprava o njemu vodi na narednoj sjednici, što su delegati prihvatili.

Predsjedavajući je također iznio Prijedlog Kolegija da se u dnevni red uvrsti Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu, izmjene i dopune Finansijskog plana Federalnog fonda solidarnosti za 2021. godinu (ANEX I) i Odluku o načinu izvršavanja Rebalansa Finansijskog plana Zavoda

zdravstvenog osiguranja i reosiguranja Federacije Bosne i Hercegovine za 2021. godinu, što su delegati prihvatili.

Presjedavajući je potom stavio na glasanje prijedlog da se Prijedlog zakona o roditeljima njegovateljima u Federaciji BiH razmatra po skraćenom postupku.

Na osnovu rezultata glasanja predsjedavajući je konstatovao da je ovaj Prijedlog dobio potrebnu većinu, sa 39 glasova za, bez glasova protiv i bez suzdržanih glasova.

Potom je stavio na glasanje prijedlog da se u dnevni red uvrsti Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2021.god., izmjene i dopune Finansijskog plana Federalnog fonda solidarnosti za 2021. godinu (ANEX I), i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021.godinu.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 39 glasova za, bez glasova protiv i bez suzdržanih glasova.

Presjedavajući je potom stavio na glasanje prijedlog da se u dnevni red uvrsti Zaključak delegatkinje Vesne Saradžić.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 39 glasova za, bez suzdržanih glasova i jednim glasom protiv.

Vlada FBiH je dostavila Prijedlog Zakona o obrtu i srodnim djelatnostima u FBiH s prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je ovaj Prijedlog dobio potrebnu većinu, sa 33 glasa za, bez suzdržanih i sedam glasova protiv.

Vlada FBiH je također dostavila Prijedlog Zakona o izmjenama i dopunama Zakona o poljoprivredi, sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je ovaj Prijedlog dobio potrebnu većinu, sa 41 glasom za, bez glasova protiv i bez suzdržanih glasova.

Predsjedavajući je također stavio na glasanje prijedlog Vlade Federacije BiH da se Prijedlog Zakona o dopunama Zakona o zaštiti od nasilja u porodici razmatra po skraćenom postupku.

Na osnovu rezultata glasanja, predsjedavajući je konstatovao da je ovaj Prijedlog dobio potrebnu većinu, sa 42 glasa za, bez suzdržanih i bez glasova protiv.

Nakon toga, predsjedavajući je za sjednicu predložio sljedeći:

## DNEVNI RED

1. Verifikovanje mandata delegatu u Domu naroda Parlamenta Federacije Bosne i Hercegovine,
2. a) Informacija o epidemiološkoj situaciji COVID-19 u Federaciji Bosne i Hercegovine na dan 4.5.2021. s prijedlogom naredbi i preporuka Kriznog štaba Federalnog ministarstva zdravstva,  
b) Informacija o epidemiološkoj situaciji COVID-19 u Federaciji Bosne i Hercegovine na dan 17.5.2021. s prijedlogom naredbi i preporuka Kriznog štaba Federalnog ministarstva zdravstva,  
c) Informacija o epidemiološkoj situaciji COVID-19 u Federaciji Bosne i Hercegovine na dan 31.5.2021. s prijedlogom naredbi i preporuka Kriznog štaba Federalnog ministarstva zdravstva,  
d) Informacija o epidemiološkoj situaciji COVID-19 u Federaciji Bosne i Hercegovine na dan 14.6.2021. s prijedlogom naredbi i preporuka Kriznog štaba Federalnog ministarstva zdravstva,  
e) Informacija o epidemiološkoj situaciji COVID-19 u Federaciji Bosne i Hercegovine na dan 28.6.2021. s prijedlogom naredbi i preporuka Kriznog štaba Federalnog ministarstva zdravstva,
3. Prijedlog zakona o roditeljima njegovateljima u Federaciji Bosne i Hercegovine - skraćeni postupak,
4. Prijedlog zakona o obrtu i srodnim djelatnostima u Federaciji Bosne i Hercegovine - hitni postupak,
5. Prijedlog zakona o izmjenama Zakona o poljoprivredi - skraćeni postupak,
6. Prijedlog zakona o dopunama Zakona o zaštiti od nasilja u porodici - skraćeni postupak,
7. Prijedlog zakona o posredovanju u prometu nekretnina,
8. Prijedlog zakona o izmjenama i dopunama Zakona o privrednim društvima,
9. Odluka o razrješenju i imenovanju članova Komisije za vrijednosne papire Federacije Bosne i Hercegovine,
10. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu, izmjene i dopune Finansijskog plana

Federalnog fonda solidarnosti za 2021. godinu (ANEX I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu,

#### 11. Prijedlog zaključka delegatkinje Vesne Saradžić.

Na osnovu rezultata glasanja predsjedavajući je konstatovao da je Dom naroda Parlamenta Federacije BiH sa 42 glasom za, bez glasova protiv, i bez suzdržanih usvojio predloženi dnevni red.

### **1. Verifikovanje mandata delegata u Domu Parlamenta FBiH**

Presjedavajući je obavijestio delegate da je Centralna izborna komisija BiH obavijestila Dom naroda Parlamenta Federacije BiH da je prestao mandat gospodinu Draganu Stevanoviću i da je dodijeljen mandat gospodinu Elvisu Živkoviću iz reda srpskog naroda koji dolazi iz Posavskog kanona.

Mandatno-imunitetska komisija je na svojoj sjednici razmatrala ovaj Prijedlog i dostavila svoj Izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Izvještaj Mandatno - imunitetske komisije prihvaćen sa 42 glasa za, bez glasova protiv i bez suzdržanih glasova.

Predsjedavajući je čestitao gospodinu Živkoviću i konstatovao da je delegat Elvis Živković nakon verifikovanja mandata i davanja svečane izjave stekao prava i dužnosti delegata u Domu naroda Parlamenta FBiH.

- 2. a) Informacija o epidemiološkoj situaciji COVID-19 u Federaciji Bosne i Hercegovine na dan 4.5.2021. s prijedlogom naredbi i preporuka Kriznog štaba Federalnog ministarstva zdravstva,**
- b) Informacija o epidemiološkoj situaciji COVID-19 u Federaciji Bosne i Hercegovine na dan 17.5.2021. s prijedlogom naredbi i preporuka Kriznog štaba Federalnog ministarstva zdravstva,**
- c) Informacija o epidemiološkoj situaciji COVID-19 u Federaciji Bosne i Hercegovine na dan 31.5.2021. s prijedlogom naredbi i preporuka Kriznog štaba Federalnog ministarstva zdravstva,**
- d) Informacija o epidemiološkoj situaciji COVID-19 u Federaciji Bosne i Hercegovine na dan 14.6.2021. s prijedlogom naredbi i preporuka Kriznog štaba Federalnog ministarstva zdravstva,**

**e) Informacija o epidemiološkoj situaciji COVID-19 u Federaciji Bosne i Hercegovine na dan 28.6.2021. s prijedlogom naredbi i preporuka Kriznog štaba Federalnog ministarstva zdravstva,**

Informaciju je obrazložio Sanjin Musa, voditelj Službe za epidemiologiju u Zavodu za javno zdravstvo Federacije BiH.

U raspravi su učestvovali Damir Marjanović, Aner Žuljević, Zvonko Marić, Marija Rašić, Damir Jurišić i Sanjin Musa.

Predsjedavajući je konstatovao da je Dom naroda Parlamenta Federacije BiH primio k znanju Informaciju o epidemiološkoj situaciji COVID-19 u Federaciji Bosne i Hercegovine na dane 4.5.,17.5.,31.5.,14.6. i 28.6. 2021. godine s prijedlogom naredbi i preporuka Kriznog štaba Federalnog ministarstva zdravstva.

**3. Prijedlog Zakona o roditeljima njegovateljima u Federaciji BiH - skraćeni postupak**

Presjedavajući je obavijestio delegate da će se, kao što je na početku sjednice dogovoreno i izglasano, odlučivanje po ovoj tački ostaviti za nastavak sjednice u devetom mjesecu.

**4. Prijedlog Zakona o obrtu i srodnim djelatnostima u Federaciji BiH - hitni postupak**

Prijedlog Zakona obrazložio je predstavnik Vlade FBiH, federalni ministar razvoja, poduzetništva i obrta, Amir Zukić.

U raspravi su učestvovali Rasim Pajić, Damir Džeba, Zvonko Marić, Vibor Handžić, Senad Čeljo, Aner Žuljević, Daliborka Milović, Jasmin Duvnjak, Ivo Tadić i Amir Zukić.

Predsjedavajući je nakon rasprave obavijestio delegate da su predsjednici klubova delegata bošnjačkog i hrvatskog naroda tražili pauzu od 15 minuta.

Poslije pauze presjedavajući je, nakon sugestije nekoliko delegata, predložio da se izjašnjavaње o Zakonu o obrtu i srodnim djelatnostima u Federaciji BiH odgodi za nastavak sjednice u septembru.

Na osnovu rezultata glasanja presjedavajući je konstatovao da je ovaj Prijedlog dobio potrebnu većinu, sa 35 glasova za, pet suzdržanih, bez glasova protiv.

**5. Prijedlog Zakona o izmjenama Zakona o poljoprivredi - skraćeni postupak**

Prijedlog Zakona utvrdila je Vlada Federacije BiH.



Predstavnički dom Parlamenta Federacije obavijestio je Dom naroda da je na 22. sjednici održanoj 26.5.2021. godine usvojio Prijedlog Zakona o izmjenama Zakona o poljoprivredi u tekstu kako ga je predložila Vlada FBiH.

Prijedlog zakona razmatrala su nadležna radna tijela i dostavila svoje izvještaje. U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o izmjenama Zakona o poljoprivredi dobio potrebnu većinu sa 41 glasom za, bez suzdržanih, i bez glasova protiv.

## **6. Prijedlog Zakona o dopunama Zakona o zaštiti od nasilja u porodici - skraćeni postupak**

Prijedlog zakona utvrdila je Vlada FBiH.

Predstavnički dom Parlamenta Federacije BiH je na 18. sjednici održanoj 26.1.2021. godine usvojio Prijedlog zakona o dopunama Zakona zaštiti od nasilja u porodici u tekstu kako ga je predložila Vlada FBiH.

Prijedlog zakona razmatrala su nadležna radna tijela i dostavila svoje izvještaje. Prijedlog zakona obrazložio je Damir Šapina, pomoćnik Federalnog ministra pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o dopunama Zakona o zaštiti od nasilja u porodici o infrastrukturi prostornih podataka Federacije Bosne i Hercegovine dobio potrebnu većinu sa 38 glasova za, bez suzdržanih i bez glasova protiv.

## **7. Prijedlog Zakona o posredovanju u prometu nekretninama**

Prijedlog zakona utvrdila je Vlada FBiH.

Predstavnički dom Parlamenta Federacije BiH je obavijestio Dom naroda da je na sjednici održanoj 5.7.2021. godine usvojio Prijedlog zakona o posredovanju u prometu nekretninama u tekstu kako ga je predložila Vlada FBiH.

Prijedlog zakona obrazložio je predstavnik Federalnog ministarstva trgovine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o posredovanju u prometu nekretnina dobio potrebnu većinu sa 39 glasova za, bez suzdržanih i bez glasova protiv.

## **8. Prijedlog zakona o izmjenama i dopunama Zakona o privrednim društvima**

Prijedlog zakona utvrdila je Vlada FBiH.

Predstavnički dom Parlamenta Federacije BiH je na 18. sjednici održanoj 26.1.2021. godine usvojio Prijedlog zakona o izmjenama i dopunama Zakona o privrednim društvima u tekstu kako ga je predložila Vlada FBiH.

Prijedlog zakona obrazložila je Jasmina Pašić, pomoćnica Federalnog ministra energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o izmjenama i dopunama Zakona o privrednim društvima dobio potrebnu većinu sa 38 glasova za, bez suzdržanih i bez glasova protiv.

## **9. Odluka o razrješenju i imenovanju članova Komisije za vrijednosne papire FBiH**

Na osnovu člana 5. stav 1. Zakona o komisiji za vrijednosne papire FBiH predsjednik FBiH je uz saglasnost potpredsjednice i potpredsjednika FBiH donio Odluku o razrješenju i imenovanju članova Komisije za vrijednosne papire FBiH i istu dostavio Parlamentu Federacije BiH na potvrđivanje.

Predstavnički dom Parlamenta FBiH obavijestio je Dom naroda da je na 23. sjednici održanoj 5.7.2021. godine donio Odluku o potvrđivanju Odluke o razrješenju i imenovanju članova Komisije za vrijednosne papire FBiH.

Komisija za izbor i imenovanja Doma naroda Parlamenta Federacije BiH utvrdila je tekst Odluke o potvrđivanju Odluke o razrješenju i imenovanju članova Komisije za vrijednosne papire FBiH.

Prijedlog Odluke obrazložio je Tomislav Mandić, predsjednik Komisije za izbor i imenovanje.

U raspravi su učestvovali Aner Žuljević, Alisa Hajdarović, Žarko Vujović, Jasmin Duvnjak, Tomislav Martinović, i Vibor Handžić.

Predsjedavajući je dao pauzu od pet minuta, na prijedlog Kluba delegata bošnjačkog naroda u Domu naroda Parlamenta Federacije BiH.

Predsjedavajući je nakon pauze obavijestio delegate da će izjašnjavanje o ovoj tački dnevnog reda biti na nastavku ove sjednice u septembru.

## **10. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2021. godinu,**

## **Izmjene i dopune Finansijskog plana Federalnog fonda solidarnosti za 2021. godinu i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH.**

Prijedlog Odluke utvrdila je Vlada Federacije BiH i dostavila Parlamentu Federacije BiH radi davanja saglasnosti

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2021. godinu, Izmjene i dopune Finansijskog plana Federalnog fonda solidarnosti za 2021. godinu i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH dobio potrebnu većinu, sa 34 glasa za, bez glasova protiv i bez suzdržanih.

### **11. Prijedlog zaključka delegatkinje Vesne Saradžić**

Delegatkinja Vesna Saradžić je predložila da Domu naroda donese sljedeći

## **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine i resorna ministarstva da se aktivno uključe u zaštitu entiteta Federacija BiH od posljedica izgradnje HE Ulog (entitet Republika Srpska), snage 35 MW i sedam manjih hidroelektrana, koje čine hidroenergetski sistem Gornja Neretva.

Informaciju o poduzetim aktivnostima prezentirati na narednoj redovnoj sjednici Doma naroda.

U raspravi niko nije učestvovao.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu sa 34 glasa za, bez glasova protiv i bez suzdržanih.

Predsjedavajući je potom podsjetio delegate da je za nastavak sjednice u septembru preostala rasprava i izjašnjavanje o Prijedlogu zakona o roditeljima njegovateljima u Federaciji BiH, izjašnjavanje o Prijedlogu zakona o obrtu i srodnim djelatnostima u FBiH - hitni postupak i izjašnjavanje o Odluci o razrješenju i imenovanju članova Komisije za vrijednosne papire Federacije BiH.

Sjednica je završila sa radom u 17 sati i 47 minuta.

\* \* \*

### **NASTAVAK SJEDNICE OD 9.9.2021. GODINE**

Sjednica je počela sa radom u 12:35 sati.  
Predsjedavajući je pozdravio prisutne delegate, predsjednika Vlade i ministre.

Izostanak sa sjednice su najavili sljedeći delegati: Goran Broćeta, Drago Puzigaća, Rasim Pajić, Dragana Damjanović, Marija Rašić, Aleksandar Štrbac, Edin Fejzić, Slađan Ilić i Senad Alić.

Prema evidenciji Stručne službe sjednici prisustvuje 44 delegata što čini većinu, pa Dom naroda može raditi i pravosnažno odlučivati.

Predsjedavajući je podsjetio delegate da je u prvom dijelu sjednice odlučeno da se Prijedlog zakona o roditeljima njegovateljima u Federaciji BiH razmatra po skraćenom postupku, te da nije vođena rasprava po toj tački.

Također, predsjedavajući je podsjetio delegate da je za preostale tačke: 3) Prijedlog zakona o obrtu i srodnim djelatnostima Federacije BiH i 9) Odluka o razrješenju i imenovanju članova Komisije za vrijednosne papire Federacije BiH, zaključena rasprava i da su preostala samo izjašnjenja po ovim tačkama.

### **3. Prijedlog zakona o roditeljima njegovateljima u Federaciji BiH**

Tekst Prijedloga zakona utvrdila je Vlada Federacije BiH.

Vlada Federacije BiH također je dostavila osam amandmana koji su postali sastavni dio Prijedloga zakona.

Predstavnički dom Parlamenta Federacije BiH je na sjednici održanoj 27.7.2021. godine usvojio Prijedlog zakona o roditeljima njegovateljima u Federaciji BiH sa osam amandmana Vlade Federacije BiH koji su postali sastavni dio teksta Prijedloga zakona i jednim amandmanom koji se odnosi na član 11., a kojeg je izglasao Predstavnički dom.

Predsjedavajući je napomenuo da je dostavljeno i Mišljenje Institucije Ombudsmena za zaštitu ljudskih prava BiH o Prijedlogu ovog zakona.

Predsjedavajući je također napomenuo da se sjednica kao što je i do sada bila praksa, održava uz posebne epidemiološke mjere.

Prijedlog zakona obrazložio je Vesko Drljača, zamjenik predsjednika Vlade Federacije BiH.

Predsjedavajući je potom obavijestio prisutne da su predstavnici iz dva udruženja izrazili želju da se obrate prisutnima, a to su gospođa Ines Kavalec iz Udruženja porodica i djece i osoba sa poteškoćama u razvoju „Dajte nam šansu“ i gospođa Sevdija Kajević iz Udruženja „Život sa Down sindromom Federacije BiH“.

Nakon izlaganja gospođe Ines Kavalec, predsjedavajući je pozvao gospodina Suvada Zahirovića da se obrati prisutnima, u ime tri koalicije organizacije osoba sa invaliditetom Koordinacijskog odbora udruženja osoba sa invaliditetom Kantona Sarajevo, Koalicija osoba sa invaliditetom Tuzlanskog kantona i Koalicija organizacija Hercegovačko - neretvanskog kantona - županije „Zajedno smo jači“.

Predsjedavajući je nakon toga otvorio raspravu.

U raspravi su učestvovali: Iva Raguž, Segmedina Srna - Bajramović, Zdenka Džambas, Zvonko Marić, Damir Džeba, Elmedin Konaković, Ivan Ivić, Jasmin Duvnjak, Vitor Handžić, Damir Marjanović, Aner Žuljević, Mirela Trepanić, Ivo Tadić i Vesko Drljača.

Predsjednik Kluba delegata hrvatskog naroda Ivo Tadić je nakon rasprave zatražio pauzu od 10 minuta.

Predsjedavajući je nakon pauze zamolio premijera Vlade Federacije BiH da se očituje u ime Vlade FBiH u vezi amandmana koji je usvojen u Predstavničkom domu.

Premijer je saopštio delegatima da je za Vladu Federacije BiH prihvatljiv amandman koji je usvojen u Predstavničkom domu.

Predsjedavajući je nakon toga stavio na glasanje Prijedlog zakona o roditeljima njegovateljima u Federaciji BiH.

Na osnovu rezultata glasanja, predsjedavajući je konstatovao da je ovaj Prijedlog zakona dobio potrebnu većinu sa 40 glasova za, bez glasova protiv i bez suzdržanih.

Predsjedavajući je nakon toga stavio na glasanje sljedeći:

## **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije BiH da sve primjedbe prijedloge i sugestije iznesene na sjednici Doma naroda uvrsti u podzakonske akte koji će se donijeti na temelju ovog zakona ili u izmjene i dopune ovog zakona koji će se pripremiti u roku od tri mjeseca od dana primjene ovog zakona.

Zaključak stupa na snagu danom donošenja i objavit će se u „Službenim novinama Federacije BiH“.

Na osnovu rezultata glasanja, predsjedavajući je konstatovao da je ovaj Zaključak dobio potrebnu većinu sa 41 glasom za, bez glasova protiv i bez suzdržanih glasova.

#### **4. Prijedlog zakona o obrtu i srodnim djelatnostima u Federaciji BiH**

Predsjedavajući je podsjetio prisutne da je rasprava po ovoj tački završena i da je preostalo da se o ovom Zakonu delegati izjasne i da se čuje Izjašnjenje Vlade FBiH, odnosno resornog Ministarstva o tri amandmana delegata Damira Džebe i šest amandmana delegata Anera Žuljevića.

Ministar Amir Zukić je još jednom obrazložio Prijedlog zakona o obrtu i srodnim djelatnostima u Federaciji BiH te istakao da je resorno ministarstvo u periodu pauze između dva nastavka sjednice Doma naroda održalo određene konsultacije i obavilo razgovore sa predlagačima amandmana.

Tom prilikom je konstatovano da postoji određena potreba da se stvari koje su tražene ovim amandmanima, koliko je moguće preciznije, regulišu da bi se eventualno spriječila subjektivna tumačenja ili nedorečenosti vezane za materiju koja se pominje u tim amandmanima, a koja se prije svega odnosi na neku iznenadnu okolnost kada je u pitanju bolovanje, službeni put, ili neka druga okolnost i da će se ova pitanja riješiti podzakonskim aktima.

Ministar je naglasio da se radi o Amadmanu I delegata Damira Džebe koji se odnosi na član 23. i o Amandmanu II, a koji se odnosi na član 27. a tiče se kupoprodaje i prijenosa obrta.

Damir Džeba se nakon toga izjasnio da odustaje od svojih amandmana.

Aner Žuljević je također saopštio da odustaje od svojih amandmanima

Predsjedavajući je nakon toga stavio na glasanje Prijedlog zakona o obrtu i srodnim djelatnostima u Federaciji BiH.

Na osnovu rezultata glasanja predsjedavajući je konstatovao da je ovaj Prijedlog zakona dobio potrebnu većinu sa 37 glasova za, bez glasova protiv i bez suzdržanih.

## **9. Odluka o razrješenju i imenovanju članova Komisije za vrijednosne papire FBiH**

Predsjedavajući je napomenuo prisutne da je rasprava po ovom pitanju okončana.

Predsjedavajući je nakon toga stavio na glasanje Odluku o potvrđivanju Odluke o razrješenju imenovanja članova Komisije za vrijednosne papire Federacije BiH kojom su razriješeni: Hasan Ćelam, predsjednik, i Matej Živković, član Komisije, a imenovani Adnan Zukić kao predsjednik, Matej Živković za zamjenika predsjednika i članovi Komisije: Predrag Mlađen, Esad Dželilović i Romeo Zelenika.

Na osnovu rezultata glasanja, predsjedavajući je konstatovao da je ovaj Prijedlog odluke dobio potrebnu većinu sa 32 glasa za, pet glasova protiv i jednim suzdržanim glasom.

Predsjedavajući je konstatovao da je time razriješena Komisija za vrijednosne papire Federacije BiH.

Predsjedavajući je nakon toga zaključio rad sjednice.

Sjednica je završila s radom u 15 sati i 04 minuta.

\* \* \*

Transkript sjednice čini sastavni dio Zapisnika.

SEKRETAR  
Izmir Hadžić

PREDSJEDAVALAČI  
Tomislav Martinović